

## *Sunnta*

's rastn Bau(er) und Knecht und Ross und Pflua(g) –  
's ganze Dorf in stiller Ruah.

Nur der Hahn, der kraht so munter, frisch –  
Leutln aufstehn, Sunnta is.

D' Bleamerl blüahn mit bsundra Pracht –  
d' Vögl singan fein mit Andacht.

's Bacherl nimmt stad ah sein' Lauf,  
's hört der Wald ins Rauschn auf.

D' Sunn kimmt aufa groß hintern Wald,  
und wunderschön gar d' Hoamat malt.

D' Glockn ruafan in Herrn uns zua –  
Sunnta is – mein heilige Ruah.

